



**MAJLIS PENYAMPAIAN DIVIDEN RISDA 2016  
&  
PELANCARAN TABUNG KHAIRAT PEKEBUN KECIL**

**UCAPAN ALUAN**

**YANG BERHORMAT DATO' SRI ISMAIL SABRI BIN  
YAAKOB  
MENTERI KEMAJUAN LUAR BANDAR DAN WILAYAH**

**DEWAN KONVENSYEN SULTAN HJ. AHMAD SHAH  
PEKAN, PAHANG DARUL MAKMUR**

**11 JUN 2016**

**3.00 PETANG**

Yang Berusaha Saudara Pengerusi Majlis

Yang Amat Berhormat Dato Sri Mohd Najib bin Tun Hj Abdul Razak  
Perdana Menteri Malaysia

Yang Amat Berhormat Dato' Sri DiRaja Dr. Adnan bin Hj. Yaakob  
Menteri Besar Pahang Darul Makmur

Y.B. Datuk Alexander Nanta Linggi  
Timbalan Menteri Kemajuan Luar Bandar dan Wilayah

Y.B. Datuk Haji Ahmad Jazlan bin Yaakub  
Timbalan Menteri Kemajuan Luar Bandar dan Wilayah

Yang Berbahagia Dato' Mohd Arif bin Ab Rahman  
Ketua Setiausaha Kementerian Kemajuan Luar Bandar & Wilayah

Yang Berhormat Datuk Zahidi bin Zainul Abidin  
Pengerusi RISDA

Yang Berhormat Exco-Exco, Ahli-Ahli Parlimen dan ADUN Negeri Pahang

Yang Berbahagia Ahli – Ahli Pihak Berkuasa RISDA

Yang Berbahagia Pengerusi – Pengerusi Syarikat Milikan RISDA

Ketua – Ketua Jabatan KKLW dan Ketua-Ketua Agensi di bawah KKLW

Yang Berhormat Setiausaha Kerajaan Negeri dan Ketua-Ketua Jabatan Negeri Pahang

Pemimpin-pemimpin tempatan serta Tuan-Tuan dan Puan-Puan para pekebun kecil yang dihormati  
sekalian.

**Assalamualaikum Warahmatullahi Wabarakatuh,**

**Salam Sejahtera, Salam Kasih Sayang dan Salam Sehati Sejiwa**

1. Marilah kita sama-sama mengucapkan rasa syukur ke hadrat Allah S. W.T. atas perkenan dan izinNya dapat kita berhimpun dalam 'Majlis Penyampaian Dividen RISDA 2016' di Dewan Sultan Hj. Ahmad Shah Pekan pada hari ini. Sesungguhnya saya amat berterima kasih kepada Yang Amat Berhormat Dato' Sri Mohd. Najib bin Tun Abdul Razak, Perdana Menteri kita yang telah sudi meluangkan masa untuk menghadiri dan seterusnya menyempurnakan majlis ini pada hari ini. Kehadiran dan sokongan Yang Amat Berhormat Dato' Sri menyemarakkan lagi semangat kami semua di Kementerian Kemajuan Luar Bandar dan Wilayah untuk meneruskan usaha memperkasa dan membangunkan masyarakat luar bandar di negara ini. Juga kepada semua Dif-Dif Jemputan terutama Yang Amat Berhormat Dato' Sri DiRaja Dr. Adnan bin Hj. Yaakob Menteri Besar Pahang Darul Makmur yang begitu prihatin untuk hadir bersama-sama kita pada hari ini. Saya amat berbangga dan berterima kasih atas sokongan yang diberikan. Saya juga merakamkan terima kasih tidak terhingga kepada semua pekebun kecil yang hadir memeriahkan majlis pada hari ini.

YAB Dato' Sri serta Hadirin yang dihormati sekalian,

### **Rancangan Tanam Baru Berkelompok (RTBB)**

2. Untuk makluman YAB Dato' Sri, **Rancangan Tanam Baru Berkelompok (RTBB)** diwujudkan bertujuan untuk membantu pekebun kecil yang memiliki tanah kurang daripada 2.8 hektar atau 7 ekar dengan membangunkan ladang getah dan sawit seluas 19,307 hektar. Hasil dari pembangunan tanah tersebut diagihkan melalui pemberian dividen tahun ini kepada seramai 16,080 orang pekebun kecil. Dengan cara ini, pastinya peserta berkenaan dapat meringankan kos sara hidup dan menampung perbelanjaan di musim perayaan yang bakal tiba tidak lama lagi.

### **Tanam Semula Komersial (TSK)**

3. Di samping itu, RISDA turut mengambil inisiatif untuk membangun dan menguruskan kebun – kebun yang tidak ekonomik, terbiar dan tidak diusahakan. Kebun – kebun ini disatukan dan diuruskan secara komersial oleh anak syarikat RISDA. Sehubungan itu, seramai 18,041 orang pekebun kecil dengan keluasan 31,303 hektar terlibat dalam program ini. Hasil kebun ini juga akan disampaikan kepada peserta dalam bentuk dividen pada hari ini. Jumlah keseluruhan pembayaran dividen untuk Skim RTBB dan TSK ini akan diumumkan oleh YAB Perdana Menteri sebentar nanti. Saya mengucapkan syabas dan tahniah kepada RISDA kerana berjaya melaksanakan pemberian dividen ini. Kerajaan akan terus komited dan berusaha membantu para pekebun kecil tidak kira dalam waktu susah atau senang kerana kita menghargai usaha pekebun kecil ini yang merupakan penyumbang utama kepada peningkatan ekonomi masyarakat luar Bandar.

YAB Dato' Sri serta para hadirin sekalian,

#### **Bantuan Khairat Pekebun Kecil**

4. Selain daripada penyatuan dan pembangunan tanah tersebut, RISDA juga telah mengambil inisiatif untuk menyediakan Tabung Khairat untuk pekebun kecil yang berdaftar. Langkah ini diwujudkan kerana didapati majoriti pekebun kecil berusia dalam lingkungan 60 hingga 70 tahun. Suka saya maklumkan bahawa Bantuan Khairat Pekebun Kecil ini diadakan bagi menjaga kebajikan pekebun kecil serta dapat meringankan beban keluarga sekiranya berlaku kematian akibat kemalangan atau sakit. Nilai pampasan yang diberikan adalah sebanyak RM2,000.00.

5. Saya pasti semua hadirin sudah tidak sabar untuk mendengar ucapan dan pengumuman oleh YAB Perdana Menteri kita sebentar lagi. Akhir kata, sekali lagi saya merakamkan ucapan setinggi-tinggi penghargaan dan terima kasih kepada YAB Dato' Sri Mohd Najib bin Tun Abdul Razak, Perdana Menteri Malaysia atas keprihatinan ke atas pembangunan masyarakat luar bandar dan sudi menghadiri Majlis ini. Juga sekalung terima kasih kepada dif-dif jemputan yang lain. Juga setinggi-tinggi tahniah kepada RISDA kerana berjaya menganjurkan satu Majlis yang begitu

berfaedah kepada pekebun kecil. Saya mendoakan agar Tuan-tuan dan Puan akan terus maju dan meningkatkan pendapatan dan seterusnya meningkatkan taraf hidup ke tahap yang lebih tinggi. Saya juga mengambil peluang ini untuk mengucapkan 'Selamat Berpuasa' serta marilah kita bersama-sama merebut kesempatan bulan Ramadhan yang mulia ini untuk mengamalkan seberapa banyak mungkin ibadah.

**Sekian. Wabillahi Taufik Walhidayah,**

**wassalamualaikum warahmatullahi wabarakatuh**